

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis
Ritibus omnium Ecclesiarum in psallendis Divinis Officiis, Tractatus,
Historicvs, Symbolicvs, Asceticvs. Sive Psallentis Ecclesiae Harmonia -
Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

§. 18. De Ritibus Abassinorum, & Copthorum.

urn:nbn:de:hbz:466:1-9929

DIVINÆ PSALMODIÆ. CAP. XVIII. 659

lingua servant Moscovitæ, quorum Regio Russia major, seu Roxolania nuncupatur & quicunque parent Moscovitici Ducis amplissimo imperio: Christiani quoque Tartari circa Tauricam Chersonesum, Circassi, & multæ Ponticæ nationes. Aiunt quidam Historici Gregorium VII. usum hujus linguae in sacris Ulad sive Bohemorum Duci noluisse concedere: sed concessum jampridem fuisse, anno scilicet 880. narrat Baronius,

§. XVIII.

De ritibus Æthiopum, sive Abassinorum, & Coptorum.

I. DE rebus Abassinorum tres libros scripsit Nicolaus Godignus, ex quibus statum illius regionis curiosus lector intelliget. Est autem Abassia pars Africae, quam veteres Æthiopiam sub Ægypto vocarunt, atque ejus Principis imperio subjecta est, quem vulgo Europæi Pretejannem appellant. Ab ipso exordio Apostolicæ prædicationis Christi fidem suscepserunt Æthiopes, prædicante ipsis Eunicho Candice Reginæ quem paulò post S. Matthæus Apost. sequutus est. Unicum habent Episcopum, quem Abunam id est Patrem vocant, missum illuc à patriarcha Alexandrino. Schismaticos eos esse, & erroribus Diocletiori, atque Eucyhetis infectos notissimum est. His addiderunt quasdam Judaicas superstitiones, quibus pertinaciter adhærent. In sacris lingua Æthiopica utuntur, quæ tamen à populari diversa est. Nocturnum Officium vocant *Manfachalelit*, Primam *Neg*, Tertiam *Selestù*, Sextam *Sedastù*, Nonam *Tanatù*, Vesperas *Saro*, Completorium *Noam*. Copti, seu Copti, sunt quidam Christiani Ægyptii sic dicti à Copto celeberrima olim civitate, & Metropoli Thebaidis de qua Strabo lib. 17. & Plutarchus lib. de *Osiride*. Ha-

Viiij

bent quindecim Monasteria, & proprium Patriarcham, qui residet in urbe Cairo, vel in Monasterio S. Mercurii ad mare rubrum. Vernacula eorum lingua Arabica est. At verò in sacris lingua Coptica utuntur, quæ antiqua Ægyptiaca est, quam Monachi primis Thebaïdis cultores ab interitu vindicarunt. Multi sunt Codices hac lingua scripti in Bibliotheca Vaticana, multi item in Ægypto. Plura de hac gente curiosus lector inveniet in Prodromo Copto Athanasii Kircher. Horum ritus Æthiopum ritibus similes esse afferit catus Auctor cap. 5. *Prodromi.* Æthiopes autem habent Romæ Ecclesiam S. Stephani propè Basilicam S. Petri, in qua tres viros reperi, duos Presbyteros, & unum Monachum, quos de ritibus suæ Ecclesiæ adhibito Interpretate non semel interrogavi; sed quod sacros Codices non habeant, nihil ab eis ediscere potui, præter ea quæ sequuntur. Omnia Officia incipiunt ab Oratione Dominica, & Angelica salutatione. Initio nocturnæ precis recitant psalmum *Venite exultemus.* Legunt prolixè sacras Scripturas, scripta verò sanctorum patrum nunquam legunt, nisi in hebdomada sancta. Singulæ horæ duodecim psalmis constant, quorum unus semper est psalm. 50. *Miserere.* In Monasteriis, in quibus magna multitudo Monachorum est, semper ante prandium integrum Psalterium percurrent brevissimo spatio temporis, divisis per singulos Monachos psalmis, sive psalmorum sectionibus, cum longiores sunt. Hæc illi. Porrò de Coptis, eorumque erroribus, obstinatione, & vafricie, deque solemni legatione ad eos missa; longam & scitu dignam Historiam narrat Franciscus Sacchinus parte 2. Historia Societatis Jesu lib. 6. à num. 121. usque ad 157.